



1771

Genuina principia doctrinae de statu aequilibrii et motu corporum tam perfecte flesibilium quam elasticorum

Leonhard Euler

Follow this and additional works at: <https://scholarlycommons.pacific.edu/euler-works>



Part of the [Mathematics Commons](#)

Record Created:

2018-09-25

Recommended Citation

Euler, Leonhard, "Genuina principia doctrinae de statu aequilibrii et motu corporum tam perfecte flesibilium quam elasticorum" (1771). *Euler Archive - All Works*. 410.
<https://scholarlycommons.pacific.edu/euler-works/410>

GENVINA.

P R I N C I P I A D O C T R I N A E
 DE STATV AEQVILIBRI ET MOTV CORPORVM TAM PERFECTE
 FLEXIBILIVM QVAM ELASTICORVM.

Auctore

L. E V L E R O.

Quae adhuc de figura corporum flexibilium et elasticorum a Geometris in medium sunt allata, non latius quam ad fila simplicia sunt extendenda, in quorum figuram, quam a viribus quibuscunque sollicitata accipiunt est inquisitum, siue ea fila sint perfecte flexibilia, siue rigore quodam seu elasticitate inflexionis resistant. Quae enim passim de curvatura lineis et velorem tradita reperiuntur, eatenus tantum admitti possunt, quatenus has figuras ad curvaturam filii simplicis referre licet. Quin etiam omnia, quae in hoc genere sunt explorata, ad curvas tantum in eodem plano formatas sunt restringenda: quare longissime adhuc sumus remoti a Theoria completa, cuius ope non solum superficierum, sed etiam corporum flexibilium figuram definiri queat; atque haec Theoria etiamnunc tantopere abscondita videtur, ut ne prima quidem eius principia adhuc sint euoluta, neque etiam hoc loco meum institutum permittit, ut talem laborem succipiam; sed potius tantum

filia

fila simplicia siue perfecte flexibilia siue elastica, vti quidem adhuc a Geometris sunt tractata accuratius sum contemplaturus. Qum enim pleraque solutiones, quae passim super hoc argumento reperiuntur, vel ex principiis tantum particularibus vel saltem non satis clarit et perspicuis sint deductae, operam dabo vt vera et generalia principia, quibus determinatio figurae huiusmodi corporum innititur ita dilucide exponam, vt non solum status aequilibrii, sed etiam motus huiusmodi corporum inde inuestigari queat.

Problema generale.

Si filum siue perfecte flexible sine elasticum et in singulis punctis a viribus quibuscumque sollicitatum ad statum aequilibrii fuerit perductum; pro singulis eius elementis statum siue tensionis, siue inflexionis inuestigare.

Solutio.

Tab. VII. I. Referat hic curva AMB huiusmodi filum a viribus
 Fig. 3. quibuscumque sollicitatum, quod in aequilibrio reperiatur
 atque fixum sit in terminis A et B, atque manifestum est
 in singulis huius fili punctis M dari certum tensionis siue
 inflexionis statum, quem inde intelligere licet, quod si hoc
 filum alicubi in M resecetur, vtraque portio AM et BM
 extemplo longe aliam figuram sit acceptura, vnde neces-
 sario sequitur in hoc punto M, quamdiu ambae partes
 ad-

huc inter se sunt coniunctae, dari quandam vim, quae illi separationi aduersetur, filumque in hoc ipso statu aequilibrii quem supponimus conseruet.

II. Quo istam vim puncto M quasi inherenterem exploramus singamus inferiorem partem AM reuera abscindi et quaeramus eas vires, quas in puncto M applicari oportet, ut pars superior BM in eodem plane statu perseueret; haec enim ipsa vis ante recisionem in puncto M extitisse est intelligenda, atque si hanc vim pro singulis fili punctis determinauerimus, nullum est dubium quin verum statum in quo singula elementa nostri fili veisantur, perfecte cognoscamus.

III. Ponamus hanc ipsam vim quam quaerimus, iam esse inuentam et puncto M reuera applicatam, ita ut resecta portione AM, altera portio BM etiamnunc in pristino statu persistat, atque primum obseruo eandem hanc vim ad filum BM in statuo suo retinendum requiri etiam si in puncto quocunque C, filum ope clavi vel vinci figeretur, siquidem haec operatio nihil in eius figura mutet, hocque etiam intelligendum est, si filum simul in pluribus punctis hoc modo figeretur; quare hoc etiam nunc locum habebit, si filum adeo in puncto proximo m figatur, nihilo enim minus in puncto M eadem adhuc vi opus erit, ad conservationem status ac si tota portio BM esset libera atque in solo puncto B fixa.

IV.

384 DE STATV AEQVILIBRII ET MOTV

IV. At si filum BM in puncto m , vt modo diximus ope vncinulae figatur, ita vt nunc solum elementum Mm liberum relinquatur, ei alias vires applicare non licet, nisi quae id vel ex m auellere vel circa m inflectere conarentur, vnde iam manifestum est, si filum propositum fuerit perfecte flexible, in puncto M nullam vim inflectentem admissi posse, quoniam alioquin e vestigio hoc elementum Mm circa m inflecteretur adeoque non in suo statu conservaretur. Hoc ergo casu perfectae flexibilitatis, vis illa quam quaerimus in puncto M applicanda necessario secundum ipsam directionem Mm, sollicitare debet, sicque eius directio erit ipsa mMT .

V. At si filum nostrum fuerit elasticitate praeditum, tum sola vis secundum tangentem MT non sufficiet elemento Mm in situ suo retinendo, siquidem in puncto m fuerit incurvatum, et quia incurvatio vim quandam inflectentem postulet, vtrum autem hic incurvatio detur ex tangente proxima mT iudicari debet, idque ex angulo elementari Tmt , quippe cui incurvatio censemur proportionalis, quare, si elasticitas filo insit, vis ea quam quaerimus non solum secundum tangentem MT erit directa, sed etiam vis quedam obliqua adesse debet, cuius momentum incurvationem in puncto m sustinere valeat.

VI. His pérpensis intelligimus puncto M praeter vim tangentem

tangentialem secundum MT, aliam insuper applicatam concipi debere; quae sit VP normalis scilicet ad tangentem MT. Hoc enim menti ita repraesentare licet, quasi elemento mM primo virga rigida mT esset annexa, tum vero illi in puncto V insuper vis normalis VP applicata, ita ut vis illa quam quaerimus manifesto reuocetur ad duas vires, quarum altera agat secundum tangentem MT, altera vero ad hanc sit normalis in certo quodam punto V.

VII. Vocemus igitur vim illam priorem, quae secundum directionem tangentis agit $\equiv T$, alteram vero huic normalem VP $\equiv V$, at pro eius applicatione interuallum MV $\equiv v$, ubi notari oportet, si filum omni elasticitate carreat, seu perfecte sit flexile, tum vim normalem V euancescere debere, neque propterea interuallum v in calculum ingredi, at si filum fuerit elasticum, tum curvatura in puncto m, quae ex angulo elementari Tmt aestimatur, certum virium momentum postulabit, ex indole elateris definiendum, cui aequale esse debet momentum vis normalis VP, quod est Vv, quoniam elementum Mm est euancescens, sicque ex natura fili propositi, momentum Vv determinatur.

VIII. Constitutis his duabus viribus T et V cum interuallo v pro punto M, transferamus ea secundum principia differentialium ad punctum proximum m, vocato ele-

Ccc , men-

386 DE STATV. AEQVILIBRII ET MOTV.

mento $Mm = ds$, atque ducta tangente mt , vis secundum hanc tangentem mt erit $= T + dT$, et vis normalis $vp = V + dV$, tum vero interuallum $mv = v + dv$. Hae ergo vires natura sua ita sunt comparatae, vt facta recisione in puncto m portionem reliquam Bm in eodem statu retineant, perinde ac duas priores vires T et V puncto M applicatae eundem effectum producunt, quem ante recisionem portio AM in punctum M exeruerat.

IX. Quum igitur vires T et V respectu puncti M aequivalent omnibus viribus, quibus portio AM in punctum M agit, similius modo vires proximae $T + dT$ et $V + dV$, cunctis viribus portionis Am aequivalent; necesse est vt hae posteriores aequivalent prioribus vna cum viribus elementaribus ipsis elemento Mm applicatis, quoniam hoc aggregatum complectitur vires portioni filii AM et insuper vires ipsi elemento Mm applicatas, quibus simul sumtis, illae vires suis differentialibus auctae aequivalent debent. Quaecunque autem vires elementum Mm affiant, eas per resolutionem semper ad duas revocare licet, quarum altera agat secundum directionem Mm , altera vero huic sit normalis, secundum mr et quia hae vires, caeteris paribus ipsi elemento $Mm = ds$ sunt proportionales, ponamus vim tangentialem secundum $Mm = pds$ et vim normalem secundum $mr = qds$, perinde enim est in quoniam huius elementi puncto, siue m siue M haec posterior vis applicetur, quibus positis vires illae T et V vna cum his elementaribus

pds

pds et qds , simul sumtae aequualere debent viribus sequentibus $T + dT$ et $V + dV$; unde insigne relationes orientur, quas sollicite inuestigari oportet.

X. In hunc finem ante omnia angulus elementaris Tmt in calculum introduci debet, qui si vocetur $= d\Phi$, et radius osculi curuae in puncto $m = r$, constat esse $d\Phi = \frac{ds}{r}$, ita ut hic angulus ex curuatura innotescat. Nunc consideremus primo vim tangentialem secundum mt quae est $= T + dT$, et resoluta secundum directiones mT et MR , dat pro directione $MT = (T + dT) \cos. d\Phi = T + dT$, et secundum directionem $mR = (T + dT) \sin. d\Phi = Td\Phi + dT d\Phi$. Altera autem vis $vp = V + dV$ ad directionem mT applicata, seu puncto applicationis in u translato, manente eadem vi $up = V + dV$, dabit $mu = mv = v + dv$, et haec vis secundum directionem uT et ad eam normalem us resoluta, dat vim secundum $uT = (V + dV) \sin. d\Phi = (V + dV) d\Phi$, et vim sec. $us = V + dV$, sicque ambae illae vires $T + dT$ et $V + dV$, nunc reductae sunt ad vires:

- I^o. vim sec. $MT = T + dT$ et II^o. sec. $mR = Td\Phi + dTd\Phi$,
- III^o. sec. $uT = (V + dV) d\Phi$ et IV^o. sec. $us = V + dV$.

XI. Hae igitur quatuor vires aequualere debent, his quatuor viribus iunctim sunitis:

$$\text{I}^{\circ} \text{ sec. } MT = T, \quad \text{II}^{\circ} \text{ sec. } VP = V,$$

$$\text{III}^{\circ} \text{ vi elementari sec. } mM = pds \text{ et IV}^{\circ} \text{ sec. } mr = qds,$$

Ccc 2 quare

388 DE STATV AEQVILIBRII ET MOTV

quare hinc primo tangentiales secundum mT agentes, seorsim inter se debent aequari, vnde nascitur haec aequatio:

$$T + dT + Vd\Phi + dV \cdot d\Phi = T + pds,$$

ex qua concluditur

$$dT + Vd\Phi = pds.$$

Secundo vires normales quatenus in eandem partem tendunt, seorsim debent esse aequales, vnde fit

$$-(T + dT)d\Phi + dV = V + qds, \text{ hincque}$$

$$dV - Td\Phi = qds.$$

Tertio vero insuper requiritur, vt etiam momenta virium normalium, inter se conueniant, sumtis igitur momentis respectu puncti m , prodit haec aequatio:

$$-(T + dT)d\Phi \cdot o + (V + dV)(v + dv) = V(v + ds) + qds \cdot o,$$

vnde concluditur

$$vdV + Vdv = Vds, \text{ siue } d \cdot Vv = Vds,$$

atque his tribus aequationibus omnia continentur, quae ad problematis nostri solutionem pertinent.

XII. Hoc iam problemate resoluto, facile omnes casus quomodounque vires sollicitantes fuerint comparatae, dummodo in idem planum cadant expedite euolui poterunt, id quod pro duobus casibus principalibus quorum prior continet fila perfecte flexilia, alter vero aequabiliter elastica, distincte explicemus.

Ca-

Casus primus pro filis perfecte flexilibus.

Iam obseruauimus hoc casu vires normales V euanes-
cere debere, quo pacto tertia aequatio inuenta sponte dis-
paret, duae priores vero nobis suppeditant has aequationes:

$$\text{I}^{\circ}. \quad dT = pds \text{ et } \text{II}^{\circ}. \quad Td\Phi = qds,$$

quibus omnes curuae, quas fila perfecte flexibilia induere possunt a quibuscumque viribus in eodem plano fuerint sollicitata, facili calculo inuestigari possunt; id quod deinceps aliquot exemplis illustrabimus. Ceterum hic obser-
vasset iuuabit, si tensio eliminetur, ob $T = spds$ et $T = -\frac{qds}{d\Phi}$
obtineri. hanc aequationem $d\Phi = -\frac{qds}{pds}$, quae tantum
quantitates cognitas seu datas complectitur, quia vires p
et q quoquis casu praescribuntur.

Casus Secundus pro filis uniformiter elasticis.

XIII. Assumimus hic filum in singulis punctis pari elasticitatis gradu esse praeditum et in statu naturali si-
tum rectum tenere, siue in lineam rectam esse extensum,
vbique igitur ipsa elasticitas proportionalis erit curuatu-
rae directe siue radio osculi reciproce, ita vt momentum
ad angulum $d\Phi$ requisitum, proportionale sit formulae $\frac{d\Phi}{ds}$,
quare si hoc momentum per $\frac{d\Phi}{ds}$ exprimamus, ita vt A de-
notet certam quantitatem constantem, ante omnia debet
esse $Vv = A \cdot \frac{d\Phi}{ds}$, cum qua aequatione insuper tres illas
in-

390 DE STATV AEQVILIBRI ET MOTV

inuentas coniungi oportet, quae sunt:

$$\text{I}^{\circ}. dT + Vd\Phi = pds; \text{ II}^{\circ}. dV - Td\Phi = qds;$$

$$\text{III}^{\circ}. dVv = Vds,$$

ex qua vltima aequatione, statim concluditur:

$$Ad \cdot \frac{d\Phi}{ds} = V.ds,$$

vnde si elementum ds constans sumatur, elicitur $V = \frac{Ad\Phi}{ds^2}$,
hincque potro $v = \frac{dsd\Phi}{dd\Phi}$, qui valores in aequatione I. substituti praebent:

$$dT = pds - \frac{Ad\Phi dd\Phi}{ds^2},$$

ideoque integrando

$$T = \int p ds - \frac{Ad\Phi^2}{2ds^2},$$

aequatio vero II. dat

$$V = \frac{Ad^3\Phi}{d\Phi ds^2} - \frac{qds}{d\Phi},$$

qui duo valores inuicem aequati, aequationem suppeditant
procurua quaesita, quae erit:

$$\frac{2Ad^3\Phi + Ad\Phi^3}{ds^2} = 2d\Phi \int pds + 2qds,$$

vbi notasse iauabit angulum elementarem $d\Phi$, implicare
differentialia secundi gradus vnde terminus $d^3\Phi$ ad differentialia quarti gradus assurget.

XIV. His duobus praecipuis casibus expeditis, non
difficile erit solutionem nostram etiam ad alios casus ac-
co mmodare, vbi filum vel ob diuersam crassitatem, vel di-
uersam materiem non vbiique est aequa elasticum, vel
etiam

etiam ubi in statu suo naturali non situm rectum tenet, sed secundum curuam quamcunque datam sit formatum; quocirca adhuc duos casus sequentes adiungamus.

Casus Tertius pro filis inaequaliter elasticis.

XV. Talis inaequalitas scilicet locum habere potest, si vel ipsum filum non ubique sit aequa crassum etiamsi ex eadem constet materia, vel si adeo ex diuersis materialibus fuerit compositum. Hoc igitur casu elasticitas in singulis punctis, non simpliciter formulae $\frac{d\Phi}{ds}$ erit proportionalis, sed praeterea a functione quadam pendebit, ad punctum quodvis M pertinente, unde manifestum est hanc functionem per ipsam portionem filii $AM = s$, determinari debere; sit igitur S ista functio elasticitatem absolutam definiens, atque loco constantis illius A , casu praecedente. Hic scribi oportebit S , sive tota solutio sequenti modo se habebit: Ante omnia debet esse $Vv = \frac{s d\Phi}{ds}$, cui insuper ut ante aniungi conuenit has tres:

I^o. $dT + Vd\Phi = pds$; II^o. $dV - Td\Phi = qds$; III^o. $dVv = Vds$, ex ultima aequatione statim concluditur:

$$V = \frac{s dd\Phi + ds d\Phi}{ds^2},$$

posito elemento ds constante, hincque vicissim:

$$V = \frac{s d\Phi ds}{s dd\Phi + ds \cdot d\Phi},$$

qui valores in aequatione I^o. substituti dant:

$$dT$$

$$dT = \bar{p} ds - \frac{(sd\phi dd\phi + dsd\phi^2)}{ds^2},$$

quam formulam autem nunc integrare non licet, etiamsi integrale $\int pds$ concederetur. Ex II^a. autem colligimus

$$T = \frac{sd^3\phi + 2dsdd\phi + ddsd\phi}{ds^2 \cdot d\phi} - \frac{qds}{d\phi},$$

nunc igitur huius valoris differentiale priori aequari debet, vt aequatio inter elementa curuae obtineatur, quem laborem autem hic in genere suscipere superfluum foret.

Casus Quartus pro filis elasticis, quae in statu naturali curvaturam habent datam.

Tab. VII. XVI. Hactenus assumsimus fila elastica, quorum curvaturam inuestigauimus, statu suo naturali in directum esse extensa, nunc autem eiusmodi fila consideremus, quae iam in statu naturali certam quandam curvam exhibeant. Sit igitur figura 2, curua AMB ea figura, quam filum in statu naturali tenet, quae quum sit cognita, vocetur radius osculi in puncto M = r existente arcu AM = s, ita vt r spectari possit tamquam functio ipsius s, cuius quippe natura, figurae naturalis indoles determinatur.

XVII. Quodsi nunc hoc filum a viribus quibuscumque ad figuram (fig. 1.) AMB fuerit perductum, atque in puncto m curvatura ad angulum elementarem $Tm\ell = d\phi$ fuerit redacta, tum eatenus tantum virium momento opus erit

erit ad hanc curuaturam producendam, quatenus formula $\frac{d\Phi}{ds}$ discrepat ab $\frac{1}{r}$, quam ob rem solutiones praecedentes ad hunc casum accommodabuntur, si modo in formula momentum elasticitatis exprimente loco $\frac{d\Phi}{ds}$, scribatur $\frac{d\Phi}{ds} - \frac{1}{r}$, sumamus autem hic elasticitatem absolutam per totum filum esse aequabilem ita ut habeamus, hanc formulam: $Vv = A \left(\frac{d\Phi}{ds} - \frac{1}{r} \right)$: cum qua tres reliquas aequationes coniungi oportet.

XVIII. Quoniam igitur $Vv = A \left(\frac{d\Phi}{ds} - \frac{1}{r} \right)$, ex tertia aequatione statim colligimus, sumto elemento ds constante:

$$V = A \left(\frac{dd\Phi}{ds^2} + \frac{dr}{r^2 ds} \right) \text{ et } v = \frac{r ds (rd\Phi - ds)}{r^2 dd\Phi - ds \cdot dr}.$$

Inuenito autem valore V , I^{ma} aequatio praebet: $dT = pds - Vd\Phi$, secunda vero $T = \frac{dv - qds}{d\Phi}$, ex quorum valorum comparatione, determinatio curuae est petenda.

XIX. Quodsi filum in statu naturali secundum arcum circularem fuerit incuruatum, ut sit r quantitas constans, ponatur $r = a$ atque ex praecedentibus formulis nasciscemur:

$$V = A \frac{dd\Phi}{ds^2}, \quad v = \frac{ad\Phi ds - ds^2}{add\Phi},$$

praeterea vero habebimus:

$$dT = pds - \frac{Addd\Phi}{ds^2}, \text{ siue } T = \int pds - \frac{A \cdot d\Phi^2}{ds^2},$$

at vero est ex II^a:

$$T = \frac{dv - qds}{d\Phi} = \frac{Ad^2\Phi - qds^3}{ds^2 \cdot d\Phi},$$

394 DE STATV AEQVILIBRIE ET MOTV

Unde patet aequationem finalē non inuoluere quantitatem a , eamque dēmum in integrationibus in cālculū introduci debere, quatenus ea scilicet in momento Vv occurrit, quippe quod momentum in extremitatibus filii est spectandum.

Applicatio ad casus particulares.

XXI. Vires sollicitantes, quaecunque dēmum fuerint, hactenus ita sumus contemplati, ut singulis filiis elementis $Mm = ds$, duas assignauerimus vires, alteram secundum directionem tangentis $mMT = pds$, alteram vero secundum directionem normalem $mn = qds$, quaecunque enim aliae vires elementares in hoc elementum agant, eas semper ad duas directiones reuocare licet, quandoquidem hic tantum curuas in eodem plano formatas consideramus, ideoque vires extra hoc planum tendentes excludimus.

XXII. Nunc dēmum curuas in quarum investigatione versamur ad certas coordinatas reuocemus, quae sint $AX = x$ et $XMI = y$, earumque differentialia $Xx = Mm = dx$ et $my = dy$, ita ut sit $ds = \sqrt{(dx^2 + dy^2)}$. Nunc vero etiam perspicuum est, si vocemus angulum $XMT = \phi$, tum proditurum esse angulum elementarem $Tmt = d\phi$ omnino ut supra assumsumus, hinc ergo erit $\sin \phi = \frac{dx}{ds}$ et $\cos \phi = \frac{dy}{ds}$, siue vicissim $dx = ds \cdot \sin \phi$ et $dy = ds \cdot \cos \phi$.

XXIII.

XXII. Quodsi iam omnes vires, quae in elementum Mm agunt reductae sint secundum directiones fixas coordinatarum, quarum una sollicitans in directione XA sit $=Pds$, altera vero in directione $MX = Qds$ ex his duabus viribus, nascetur vis tangentialis, secundum directionem MT

$$= (P \cdot \sin \Phi + Q \cos \Phi) ds = pds,$$

ita ut sit $p = P \sin \Phi + Q \cos \Phi$, vis atitem normalis inde mata secundum mr

$$= (Q \sin \Phi - P \cos \Phi) ds = qds,$$

ita ut sit $q = Q \sin \Phi - P \cos \Phi$, his igitur notatis exempla quaedam illustriora, nostro methodo epoluamus.

Problema II.

Si filum fuerit perfecte flexible, et per totam longitudinem aequaliter crassum, inuenire curvam, quam hoc filum, ex duobus punctis suspensum et a sola gravitate sollicitatum, formabit, siue inuenire catenariam.

Solutio.

XXIII. Statuatur hic axis AX verticalis sursum directus, ut applicata $XM = y$, fiat horizontalis, hic igitur sola vis P in computum venit, existente $Q = 0$, quae cum sit vis gravitatis et filum ubique sit aequabile, si eius portionis cuius longitudine $= b$, pondus vocetur B , tum portionis seu arcus $AM = s$, pondus erit $\frac{sB}{b}$, ideoque pondus elementi Mm erit $\frac{Bs}{b}$, cui aequari debet vis illa

Ddd 2

Pds

Pds , sit autem breuitatis gratia $\frac{B}{b} = \beta$, vt fiat $P = \beta$, atque ob $q = 0$ habebimus $p = \beta \sin \Phi$, $q = -\beta \cos \Phi$ id eoque $pds = \beta dx$ et $qds = -\beta dy$. Quoniam hoc problema ad primum casum pertinet, habebimus sequentes formulast:

$$\text{I}^{\circ}. dT = \beta dx \text{ et } \text{II}^{\circ}. + Td\Phi = \beta dy.$$

Ex priore fit $T = \beta x + C$, ideoque hinc procurua colligimus

$$\beta x d\Phi + C d\Phi = \beta dy.$$

Ad hanc aequationem resolvendam ponamus statim $dy = u dx$, fietque $ds = dx \sqrt{(1+uu)}$, hinc $\sin \Phi = \frac{x}{\sqrt{1+uu}}$ et $\cos \Phi = \frac{u}{\sqrt{1+uu}}$:: vnde elicitur $d\Phi = \frac{-du}{1+uu}$, quo valore substituto aequatio nostra erit $\frac{-du(\beta x + C)}{1+uu} = \beta u dx$; ideoque $\frac{\beta dx}{\beta x + C} = \frac{-du}{u(1+uu)} = \frac{-du}{u} + \frac{n du}{1+uu}$, vnde integrando consequimur $\text{Log.} (\beta x + C) = L \frac{\sqrt{1+uu}}{u} + L. D$, seu $\beta x + C = D \frac{\sqrt{1+uu}}{u}$, vnde $u = \frac{D}{\sqrt{(\beta x + C)^2 - DD}} = \frac{dy}{dx}$, hincque $dy = \frac{D dx}{\sqrt{((\beta x + C)^2 - DD)}}$, quae est aequatio differentialis inter coordinatas x et y pro catenaria, cuius constructio pendet vti constat a logarithmis, siquidem hinc fit $\frac{\beta y}{D} = L + \frac{\beta x + C + \sqrt{((\beta x + C)^2 - DD)}}{u}$ praeterea vero notasse iuuabit, hinc fore::

$$ds = \frac{(\beta x + C) dx}{\sqrt{((\beta x + C)^2 - DD)}},$$

ita vt sit $D ds = (\beta x + C) dy$, inde vero integrando colligimus $\beta s = \sqrt{((\beta x + C)^2 - DD)} + E$ vbi βs denotat ipsum pondus arcus $AM = s$.

XXIV. Inuenta hac aequatione generali consideremus etiam ipsam illam vim T , quae tensionem elementi Mm

exhibet, quae vis ex praecedentibus erit $\beta x + C$, ita ut in eo loco ubi $x = 0$, haec tensio fiat $= C$, et quo alius filum ascendit eo fortior euadit eius tensio. Quoniam constantes propitis definiamus, sumamus primo initium abscissarum in ipso punto A, ubi ipsa curva axem secat, ita ut fiat $x = 0$, $y = 0$ quin etiam $s = 0$. Hinc consequimur :

$$\frac{\beta y}{D} = L \cdot \frac{\beta x + C + \sqrt{((\beta x + C)^2 - DD)}}{C + \sqrt{(CC - DD)}} \text{ et}$$

$$\beta s = \sqrt{((\beta x + C)^2 - DD)} - \sqrt{(CC - DD)}.$$

Si praeterea verticem A ibi constituamus, ubi tangens curvae fit horizontalis, ut sumto $x = 0$ sit $\frac{dy}{dx} = \infty$, ideoque $D = C$, seu $dy = \frac{C dx}{\sqrt{(C\beta x + \beta\beta x^2)}}$, quae si ponamus $C = \beta a$, abit in $dy = \frac{a dx}{\sqrt{(ax^2 + xx)}}$, unde fit $y = aL \frac{x + a + \sqrt{(2ax + xx)}}{a}$, et arcus AM $= s = \sqrt{(2ax + xx)}$, ita ut sit $dy = \frac{adx}{s}$, siue $dy : dx :: a : s$, tunc vero erit tensio in punto ino A $= \beta a$, tensio vero in punto M $= \beta(x + a)$.

XXV. Hinc si funis aequabilis in duobus punctis aeque altis M et N, fuerit fixus et pondere suo curvam Fig. 6. MAN induerit, pro eius figura autem dentur primo sagitta seu profunditas AX $= x$, deinde vero etiam dimidia longitudi totius funis AM $= s$, cuius pondus sit βs , hinc omnia, quae hoc pertinent poterunt determinari. Primo autem reperitur $a = \frac{ss - xx}{2xx}$, unde statim innotescit distantia horizontalis :

$$XM = XN = y = \frac{ss - xx}{2x} L \frac{s + x}{s - x}$$

Tertio anguli quo funis in punctis M et N ad horizontem inclinatur tangens seu tang. $AMX = \text{tang. } ANX = \frac{2xx}{ss - xx}$
hincque tang. $\frac{x}{2} \Phi = \frac{x}{s}$. Denique vero tensio in amo puncto A erit $\beta \frac{(ss - xx)}{2x}$; tensio vero in punctis supremis M et N prodit $\beta \frac{(ss + xx)}{2x}$ unde patet, quo minor fuerit profunditas $AX = x$ pro eadem funis longitudine, eo maiorem requiri tensionem in punctis M et N ita ut funis prouersus in directum extendi nequeat, nisi a vi infinita, ubi notasse iuuabit si altitudo x fuerit walde exigua respectu arcus s, tum ob

$$L \frac{x+s}{x-s} = \frac{2x}{s} + \frac{2x^3}{3s^3} + \frac{10x^5}{5s^5} \text{ etc. fore}$$

$$MX = y = s - \frac{2xx}{3s} - \frac{2x^4}{3s^3}$$

Problema II.

Si filum perfecte flexible et aequaliter crassum, vento exponatur, definite curuam, quae ipsi a vi venti inducatur, mentem abstrahendo a gravitate ipsius filii, siue investigare curuam velariam.

Solutio.

Tab. VII. XXVI. Statuatur axis AX horizontalis, et directio

Fig. 7. venti VM ipsi fiat parallela, sitque AM curva quaesita, in cuius elementum Mn ventus ferit sub angulo $VMm = 90^\circ - \Phi$.

Ponatur h. altitudo celeritati venti debita atque constat

eius

eiis vim in datam basim ds aequali fore ponderis columnae aëreæ, cuius basis sit $= ds$, altitudo vero $= h \cos. \Phi^2$, quicquid autem sit quoniam hic vis absolute non sumus solliciti, sufficit nosse hanc vim esse proportionalem formulae $ds \cdot \cos. \Phi^2$, quoniam igitur haec vis normalis est in ipsam curvam, inde nulla nascitur tangentialis eritque $pds = 0$, atque ipsa iam dabit vim illam elementarem normalem, quia autem directionem habet contrariam ponamus $qds = -\beta ds \cdot \cos. \Phi^2$.

XXVII. Quare quum hoc problema etiam ad casum primum referatur habemus:

I^o. $dT = 0$, ideoque $T = C$, II^o. vero $Cd\Phi = \beta ds \cdot \cos. \Phi^2$, vnde colligitur haec aequatio $\frac{Cd\Phi}{\cos. \Phi^2} = \beta ds$, quae integrata præbet $C \tan. \Phi = \beta s + D$, at vero est tang. $\Phi = \frac{dx}{dy}$, ita ut pro velaria habeatur ista aequatio $\frac{Cd\Phi}{dy} = \beta s + D$. Vnde iam intelligitur hanc curvam non discrepare a præcedente funicularia, nisi quod hic axis AX sit horizontalis, quum in casu præcedente esset verticalis. Ut autem aequationem inter coordinatas eruamus, primam aequationem $\frac{Cd\Phi}{\cos. \Phi^2} = \beta ds$ multiplicemus per sin. Φ , et quia $ds \sin. \Phi = dx$ integratio dabit $\frac{C}{\cos. \Phi} = \beta x + D$, vnde quum sit $\cos. \Phi = \frac{dy}{ds}$, habebimus hanc aequationem $Cds = dy (\beta x + D)$, hincque $dy = \frac{Cds}{\sqrt{((\beta x + D)^2 - CC)}}$; tum vero erit $\beta s = \sqrt{((\beta x + D)^2 - CC)} + E$,

pror-

prorsus vt in solutione praecedente, quocirca si axis AX quasi per medium veli A transeat, vbi tangens curuae est verticalis, sumi debebit $C = D$, ponatur autem porro $C = D = \beta a$, fietque pro hac curua:

$$dy = \frac{a dx}{\sqrt{(2ax + xx)}}, \quad y = a L \frac{x + a + \sqrt{(2ax + xx)}}{a};$$

ipse arcus AM $= s = \sqrt{(2ax + xx)}$ et tensio in puncto M $= \beta a$, quae in omnibus punctis est eadem. Ceterum quae supra de catenaria obseruanimus hic etiam locum habebunt.

Problema III.

Si filum aequabile, vbique fuerit aequaliter elasticum atque adeo grauitatis expers, idque duabus viribus quibuscumque eius terminis A et B vtcunque applicatis incurvetur, naturam huius curuae AMB inuestigare, siue natram curuae elasticae definire.

Solutio.

Tab. VII. XXVIII. Quia praeter vires ipsiis terminis A et B

Fig. 3. applicatas, nullas vires quae seorsim in singula elementa agunt admittimus, vires illae elementares pds et qds eualescent, ideoque ex casu secundo, quo hoc problema est referendum, sequentem solutionem elicimus, ante omnia $Vv = \frac{A d \Phi}{a s}$ tum vero praeterea:

$$\text{I}^{\circ}. dT + Vd\Phi = 0; \quad \text{II}^{\circ}. dV - Td\Phi = 0; \quad \text{III}^{\circ}. d(Vv) = Vds.$$

Ex

Ex tertia statim colligimus sumto elemento ds constante,
 $V = \frac{A dd\Phi}{ds^2}$, qui valor in I^{ma} et II^{da} substitutus praebet:

$$dT + \frac{Ad\Phi dd\Phi}{ds^2} = 0; T = \frac{Ad^3\Phi}{d\Phi ds^2},$$

prioris integrale manifesto est $T = B - \frac{Ad\Phi^2}{2ds^2}$, sicque eliminando T assequimur $\frac{2Ad^3\Phi}{d\Phi} + Ad\Phi^2 = 2Bds^2$, quae per $\frac{dd\Phi dd\Phi}{A}$ multiplicata praebet: $8dd\Phi d^3\Phi + 4d\Phi^3 dd\Phi = \frac{8B}{A} \cdot ds^2 \cdot d\Phi dd\Phi$, cuius integrale est $4dd\Phi^2 + d\Phi^4 = \frac{4B}{A} \cdot ds^2 \cdot d\Phi^2 + Cds^4$ vnde elicitur

$$dd\Phi = \sqrt{\left(\frac{C}{4} ds^4 + \frac{B}{A} ds^2 d\Phi^2 - \frac{1}{4} d\Phi^4\right)}.$$

Statuatur nunc $d\Phi = u ds$, vt obtineamus hanc aequationem:

$$du = ds \sqrt{\left(\frac{C}{4} + \frac{B}{A} uu - \frac{1}{4} u^4\right)} \text{ siue } ds = \frac{du}{\sqrt{\left(C + \frac{4B}{A} uu - u^4\right)}}.$$

Verum hoc modo calculus fit nimis molestus, vnde ab initio eum malte commodius instituamus.

XXIX. Quoniam $p=0$ et $q=0$, ambae aequationes I. et II. quae sunt $dT + Vd\Phi = 0$; $dV - Td\Phi = 0$, tres tantum continent variables T , V et $d\Phi$ ex quibus eliminando $d\Phi$ elicimus $TdT + VdV = 0$ vnde fit $TT + VV = CC$ et $T = \sqrt{(CC - VV)}$, qui in secunda substitutus praebet $dV = d\Phi \sqrt{(CC - VV)}$, siue $d\Phi = \frac{dV}{\sqrt{(CC - VV)}}$, vnde denuo integrando, Ang. cui. sin. $\frac{v}{c} = \Phi + D$ hincque $V = C \sin.(\Phi + D)$ et $T = C \cos.(\Phi + D)$. Quod hic ad angulum Φ attinet cuius differentiale tantum $d\Phi$ in nostras formulas principales ingreditur eius determinatio pen-

det a certa quadam directione fixa, quae quum penitus arbitrio nostro relinquatur ea ita capiatur ut fiat $D = 0$, sicque iam adepti sumus has duas formulas satis simplifices $V = C \sin \Phi$ et $T = C \cos \Phi$, his autem litteris binæ illæ vires exprimuntur, quibus status cuiusque elementi Mm definitur, quae ergo vbiq[ue] ita sunt comparatae ut sit $TT + VV = CC$, siue vis illis aequivalens constans.

XXX. His inuentis iam supra vidimus ex tertia aequatione fieri $V = \frac{Ad\Phi}{ds^2} = C \sin \Phi$, sumto ds constante, quae per $2d\Phi$ multiplicata et integrata præbet: $\frac{Ad\Phi^2}{ds^2} = B - 2C \cos \Phi$, hincque $\frac{d\Phi}{ds} = \sqrt{\left(\frac{B - 2C \cos \Phi}{A}\right)}$, siue $ds = \frac{d\Phi \sqrt{A}}{\sqrt{(B - 2C \cos \Phi)}}$, quae aequatio duas tantum variabiles continet Φ et s , vbi s denotat arcum curuae AM a puncto quodam fixo computatum; angulus Φ vero exprimit amplitudinem huius arcus. Deinde possumus etiam radium osculi curuae definire, qui si ponatur $= r$, ob $d\Phi = \frac{ds}{r}$, aequatio inuenta ostendit fore $r = \frac{\sqrt{A}}{\sqrt{(B - 2C \cos \Phi)}}$, vnde patet sumto $\Phi = 0$, fieri radium osculi $r = \sqrt{\frac{A}{B - 2C}}$.

XXXI. Hinc etiam facile possumus progredi ad coordinatas orthogonales, si enim axem AX ita ducamus ut fiat angulus $AMX = \Phi$, tum quia $dx = ds \sin \Phi$, et $dy = ds \cos \Phi$ sequentem habebimus aequationem:

$$\frac{dx}{dy} = \frac{d\Phi \sin \Phi \sqrt{A}}{\sqrt{(B - 2C \cos \Phi)}},$$

quae

quae aequatio integrata praebet:

$$x = \frac{\sqrt{A(B - zC \cos \Phi)}}{C} + \text{Const.},$$

quare si punctum A ibi assumimus ubi axis in curvam erit normalis, tum utique arcus AM amplitudo erit aequalis Φ , at quia nunc amplitudine Φ euanescente abscissa x sit = 0, constante postrema debito determinata habebitur:

$$x = \frac{\sqrt{A(B - zC \cos \Phi)}}{C} - \frac{\sqrt{A(B - zC)}}{C},$$

vnde colligimus

$$\cos \Phi = 1 - x \frac{\sqrt{A(B - zC)}}{A} = \frac{C}{2A} \cdot xx,$$

qto haec aequatio concinnior reddatur statuamus

$$\cos \Phi = 1 - \frac{x}{a} = \frac{nxx}{aa}$$

sicutque

$$B = \frac{(4n+1)A}{aa} \text{ et } C = \frac{2nA}{aa},$$

sicque intendo angulo Φ per abscissam x, ambae vires statim prodeunt

$$V = \frac{2nA}{aa} \sin \Phi \text{ et } T = \frac{2nA}{aa} \cos \Phi.$$

XXXII. Deinde quia supra habebamus:

$$\frac{d\Phi}{ds} = \frac{\sqrt{B - zC \cos \Phi}}{\sqrt{A}} \text{ erit } \frac{d\Phi}{ds} = \frac{\sqrt{(4n+1 - 4n \cos \Phi)}}{a},$$

hincque

$$V v = \frac{A\sqrt{(4n+1 - 4n \cos \Phi)}}{a},$$

ideoque

$$v = \frac{a\sqrt{(4n+1 - 4n \cos \Phi)}}{2n \sin \Phi},$$

vnde vires quibus singula elementa afficiuntur nunc perfecte innotescunt. Denique, quoniam

$\cos. \Phi = \frac{dy}{ds}$ et $\sin. \Phi = \frac{dx}{ds}$ erit $dy = dx \cot. \Phi$,
 vbi si loco $\cos. \Phi$ valor substituatur orietur:

$$\frac{dy}{dx} = \frac{aa - ax - nxx}{\sqrt{(2a^3x + (2n-1)aaxx - 2naa^3 - n^2x^4)}},$$

sicque inter coordinatas habebitur haec aequatio differentialis:

$$dy = \frac{(aa - ax - nxx) dx}{\sqrt{(2a^3x + (2n-1)aaxx - 2naa^3 - n^2x^4)}},$$

XXXIII. Quo autem clarius intelligatur, quam variae curuarum species hic locum intenire possint, consideretur illa aequatio inter amplitudinem Φ et radium osculi r invenit:

$$r = \frac{a}{\sqrt{(4n+1 - 4n \cos. \Phi)}},$$

vel quod eodem redit valor supra pro abscissa intentus:

$$x = \frac{a\sqrt{(4n+1 - 4n \cos. \Phi)}}{2n} - \frac{a}{2n}, \text{ ita vt sit } x = \frac{ax}{2nr} - \frac{a}{2n},$$

quam eximiam proprietatem omnibus elasticis communem probe notari conuenit. Totum negotium ad formulam hanc irrationalem reducitur:

$$\sqrt{(4n+1 - 4n \cos. \Phi)} = \sqrt{(1 + 8n \sin. \frac{1}{2}\Phi^2)},$$

vbi imprimis spectandum est, an coëfficiens $8n$, sit positius an negatius, vel maior vel minor unitate. Primum enim perspicuum est, si $8n$ fuerit numerus positius puta $= m$, tum formulam $\sqrt{(1 + m \sin. \frac{1}{2}\Phi^2)}$ semper esse realem, ideoque angulum Φ per omnes valores crescere posse; sin autem fiat $8n = 0$, elasticam fore circulum ob $r = a$. Si autem $8n$ fuerit numerus negatius, duos casus considerari oportet: alterum, quo unitate fit minus, alterum, quo maius, priori casu quo $8n = -m$ et $m < 1$, formula

$\sqrt{(1 - m \sin \frac{1}{2}\Phi^2)}$, etiam nunc per omnes valores ipsius Φ variari potest, id quod usque ad valorem $m=1$ valet, quo casu erit $r=a \cos \frac{1}{2}\Phi$. Verum si denique fuerit $m > 1$, haec formula realis esse nequit, nisi $\sin \frac{1}{2}\Phi^2$ fuerit $< \frac{1}{m}$, unde amplitudo non ultra certum gradum augeri poterit, atque hinc sequentur omnes istae species elasticarum, quas euoluimus in Tractatu de Problemate Isoperimetrico.

XXXIV. Plura exempla circa aequilibrium huiusmodi filorum flexibilium et elasticorum, hic subiungere superfluum foret, quoniam hoc argumentum iam passim abunde tractatum reperitur. Hic enim id tantum nobis erat propositum, ut methodum facilem simulque aequabilem, quae ad omnia genera huiusmodi corporum extendatur, trademus, hocque respectu nullum est dubium, quin haec methodus aliis quibus Geometrae sunt usi, longe sit anteferranda, id quod imprimis ex altera parte huius dissertationis patebit, ubi ostendemus hanc methodum pari successu adeo ad motus huiusmodi corporum determinandos adhiberi posse.

Problema Generale Alterum.

Si filum siue perfecte flexible siue elasticum atque in singulis punctis a viribus quibuscumque sollicitatum utique moueatur, principia ex quibus hunc motum

de-

definire liceat, vbi quidem assumimus totum motum semper in eodem piano absolui, in quo ipsa figura versatur.

Solutio.

XXXV. Hic primo motum filii in genere considerari conuenit, ante quam necesse sit vires elementares quibus in singulis punctis sollicitatur, in computum introducere, id quod cum insigni calculi commodo fieri licet, ne stat Tab. VII. tim ab initio multitudo quantitatum nimis augeatur. Con-
Fig. 3. stituta certa temporis epocha qua motum inchoasse assu-
mimus, teneat filium elapso tempore $=t$ (quod in minutis
secundis exprimi sumimus) situm in figura representatum
AMB, quem ad certum axem AD aliumque ipsi parallelum
referimus, quoniam etiam punctum A, motu quoconque
ferri potest, ita ut etiam punctum filii A, non amplius pro
initio abscissarum haberi debet. Vocetur filii portio quae-
cunque AM $= s$ (vt ante, hoc tantum discrimine, quod
A non amplius sit punctum fixum) et ducta tangente MT,
vocetur etiamnunc vt ante angulus XMT $= \Phi$ atque nunc
manifestum est hunc angulum Φ non amplius tamquam
functionem arcus s spectari posse, quoniam eidem arcui
AM $= s$, diuersis temporibus, diuersi anguli Φ conve-
niunt, sed potius angulus Φ pro functione duarum va-
riabilium s et t haberi debebit, quo ipso haec inuestiga-
tio ad eam quasi nouam Analyseos partem in qua de-

de functionibus duarum variabilium tractatur erit referenda, atque hinc nunc facile intelligitur, quid per formulas $(\frac{d\phi}{ds})$ et $(\frac{d\phi}{dt})$ indicetur.

XXXVI. Interim tamen ex angulo Φ elementa coordinatarum dx et dy perinde ut ante exprimentur, ita vt sit $dx = ds \sin. \Phi$ et $dy = ds \cos. \Phi$, vnde abscissa x a certo punto fixo computata erit $\int ds \sin. \Phi$ et applicata $y = \int ds \cos. \Phi$, in quibus integralibus, sola variabilitas arcus s spectatur. Hoc autem non obstante, ipsae hae coordinatae x et y erunt functiones ambarum variabilium s et t , de quibus nouimus esse $(\frac{dx}{ds}) = \sin. \Phi$ et $(\frac{dy}{ds}) = \cos. \Phi$. Nunc autem inuestigemus motum elementi $Mm = ds$, cuius massam ponamus $= \Sigma ds$, ita vt Σ sit certa functio solius variabilis s , quam secundum binas directiones fixas coordinatarum resoluamus, atque consequemur ejus celeritatem in directione $AX = (\frac{dx}{dt})$ et in directione $XM = (\frac{dy}{dt})$, quae denuo differentiaae pro solo t variabili dabunt accelerationes in directione $AX = (\frac{d^2x}{dt^2})$ et in directione $XM = (\frac{d^2y}{dt^2})$, quae ductae in massam elementi mouendi $\Sigma d's$ et diuisae per $2g$ (denotante g altitudinem lapsus grauis, tempore unius minutii secundi) dabunt vires requisitas, quibus hoc elementum sollicitari deberet, vt motum suppositum prosequeretur. Quocirca vt motus filii ita sit comparatus, quemadmodum positiones nostrae declarant, necesse est, vt

sim-

408 DE STATV AEQVILIBRII ET MOTV

singula eius elementa $Mm = ds$ praesenti tempore a binis viribus sollicitentur, quae sunt

$$\text{sec. directionem } AX = \frac{\sum ds}{2g} \left(\frac{ddx}{dt^2} \right) \text{ et sec. XM} = \frac{\sum ds}{2g} \left(\frac{ddy}{dt^2} \right).$$

XXXVII. Vires istae vocari solent, vires ad motum producendum immediate requisitae, quas probe distingui oportet ab iis viribus, quibus singula elementa actu sollicitantur; at quia filum tantum ab his posterioribus reuera sollicitatur, necesse est ut hae eundem effectum producant, quem illis viribus adscriptus, siue quod eodem reddit necesse est, ut omnes vires requisitae simul sumtae aequiualeant viribus actualibus simul sumatis. Ex quo sequitur si vires illae requisitae contrario modo applicarentur, eas cum actualibus in aequilibrio consistere debere, siue tum ipsum filum, eo saltem momento in aequilibrio fore constitutum; hoc igitur modo, quaestionem de motu filii ad inuestigationem aequilibrii feliciter perduximus.

XXXVIII. Ut igitur in hoc aequilibrium, ex quo ipse motus filii innescit, inquiramus; filo nostro praeter vires illas pds et qds , quibus immediate sollicitatur, insuper adiungamus primo vim in directione $XA = \frac{\sum ds}{2g} \cdot \left(\frac{ddx}{dt^2} \right)$, quandoquidem nunc certum est, filum tum futurum esse in aequilibrio; hunc in finem has vires posteriores etiam ad directionem tangentis MT et normalis mr reducamus, atque hinc prodit vis;

sec.

$$\text{sec. MT} = \frac{\Sigma ds}{2g} \left(\frac{ddx}{dt^2} \right) \sin. \Phi + \frac{\Sigma ds}{2g} \left(\frac{ddy}{dt^2} \right) \cos. \Phi,$$

at vero in directione mr :

$$\frac{\Sigma ds}{2g} \left(\frac{ddy}{dt^2} \right) \sin. \Phi - \frac{\Sigma ds}{2g} \left(\frac{ddx}{dt^2} \right) \cos. \Phi,$$

quo facto filum nunc ita considerari debet, quasi eius elementum Mm sollicitaretur a duabus viribus, sequentibus;

$$\text{I}^o. \text{ sec. MT} = pds + \frac{\Sigma ds}{2g} \left(\frac{ddx}{dt^2} \right) \sin. \Phi + \left(\frac{ddy}{dt^2} \right) \cos. \Phi,$$

$$\text{II}^o. \text{ sec. } mr = qds + \frac{\Sigma ds}{2g} \left(\frac{ddy}{dt^2} \right) \sin. \Phi - \left(\frac{ddx}{dt^2} \right) \cos. \Phi,$$

quibus inuentis nunc tantum optis est, vt istae vires loco pds et qds in formulis nostris supra inuentis substituantur, atque tum illae aequationes nostri problematis solutionem suppeditabunt.

XXXIX. Quodsi vires illae pds et qds non immediate dentur, sed vt supra ostendimus ex viribus elementaribus secundum certas directiones agentibus deduci debeant, calculus sequenti modo se habebit: ponamus igitur fili elementum Mm actu sollicitari in directione XA vi Pds et in directione MX vi $= Qds$, atque nunc vires, quae mente saltem filo applicari debebunt, erunt:

$$\text{I}^o. \text{ vis sec. MT} = ds \left(P + \frac{\Sigma}{2g} \left(\frac{ddx}{dt^2} \right) \right) \sin. \Phi + ds \left(Q + \frac{\Sigma}{2g} \left(\frac{ddy}{dt^2} \right) \right) \cos. \Phi,$$

$$\text{II}^o. \text{ vis sec. } mr = ds \left(Q + \frac{\Sigma}{2g} \left(\frac{ddy}{dt^2} \right) \right) \sin. \Phi - ds \left(P + \frac{\Sigma}{2g} \left(\frac{ddx}{dt^2} \right) \right) \cos. \Phi,$$

quas vt ante loco formularum pds et qds substitui oportet.

XL. Faciamus igitur hanc substitutionem, atque pro motu fili definiendo, habebimus sequentes quatuor aequationes:

410 DE STATV AEQVILIBRII ET MOTV

$$\text{I}^{\circ}. \left(\frac{dT}{ds} \right) + V \left(\frac{d\Phi}{ds} \right) = \left(P + \frac{\Sigma}{2g} \left(\frac{ddx}{dt^2} \right) \right) \sin \Phi + \left(Q + \frac{\Sigma}{2g} \left(\frac{dy}{dt^2} \right) \right) \cos \Phi,$$

$$\text{II}^{\circ}. \left(\frac{dV}{ds} \right) - T \left(\frac{d\Phi}{ds} \right) = \left(Q + \frac{\Sigma}{2g} \left(\frac{ddy}{dt^2} \right) \right) \sin \Phi - \left(P + \frac{\Sigma}{2g} \left(\frac{dx}{dt^2} \right) \right) \cos \Phi,$$

$$\text{III}^{\circ}. (Vv = S \left(\frac{d\Phi}{dt} \right); \text{IV}^{\circ}. \left(\frac{d^2Vv}{ds^2} \right) = V).$$

Quoniam enim supra omnes istae quantitates V , T et Φ functiones erant solius variabilis s , hic autem ut functiones duarum variabilium s et t spectari debent, signandi modum per clausulas, more consueto introduci oportuit, tum vero notendum est, hic litteram S exprimere elasticitatem absolutam filii in punto M , ideoque functionem esse ipsius S tantum. Quo autem clarius appareat, quomodo hae quatuor aequationes, solutionem problematis nostri suppeditare queant, primo quidem perspicuum est determinationem incipi debere, a viribus T et V cum distantia v , ex quibus etiam durante motu ad quodvis tempus, tensio et status cuiusque elementi cognoscitur, his autem tribus quantitatibus inuentis et substitutis exorietur una aequationis quidem quinque quantitates inuoluens, t , s , x , y et Φ , quae autem ob has duas relationes cognitas:

$$\left(\frac{dx}{ds} \right) = \sin \Phi \text{ et } \left(\frac{dy}{ds} \right) = \cos \Phi,$$

ad tres tantum reducuntur, quae si fuerint s et t cum angulo Φ , haec aequatio natura sua declarat valorem anguli Φ , per binas variables s et t exprimendum, vnde pro quovis fili punto M ad quodvis tempus t , angulus convenientis Φ determinatur, vnde deinceps ipsae coordinatae

con-

constabunt, atque adeo figura totius filii ad quodvis tempus, hincque etiam ipse motus eius patesiet.

XLI. Ex tertia et quarta aequatione eliminando distantiam v statim colligimus:

$$V = S \left(\frac{d^2 \Phi}{ds^2} \right) + \frac{dS}{ds} \left(\frac{d\Phi}{ds} \right),$$

ita ut hoc valore substituto, iam tantum duas aequationes simus habituri ex quibus si vis T elidatur statim obtinetur illa aequatio finalis principalis, cuius rationem modo explicauimus.

XLII. Quoniam praeter oscillationes infinite paruas vix quicquam adhuc circa huiusmodi motus est inuestigatum, neque etiam nunc Methodus patet tales formulas non parum intricatas tractandi, hinc saltem eas deducamus formulas ex quibus Geometrae motum cordatum vibrantium determinaverunt. Primo igitur filum perfecte flexible statuatur, vnde statim fit $V = 0$, deinde etiam vires elementares P et Q euanescent, postmodum quia tantum vibrationes infinite paruae sunt considerandae, statuamus applicatam y veluti infinite paruam prae s et x , vnde etiam erit $\frac{dy}{ds} = 0$, et $\frac{dx}{ds} = 1$; tum vero erit Φ quasi rectus. Quibus notatis nostrae duae aequationes erunt:

$$\text{I}^\circ. \left(\frac{dT}{ds} \right) = \frac{\Sigma}{2g} \left(\frac{d^2 x}{dt^2} \right) \sin \Phi + \frac{\Sigma}{2g} \left(\frac{d^2 y}{dt^2} \right) \cos \Phi,$$

$$\text{II}^\circ. + T \left(\frac{d\Phi}{ds} \right) = \frac{\Sigma}{2g} \left(\frac{d^2 x}{dt^2} \right) \cos \Phi - \frac{\Sigma}{2g} \left(\frac{d^2 y}{dt^2} \right) \sin \Phi.$$

412 DE STATV AEQVILIBRII ET MOTV

Ratione prioris obseruandum est, quia abscissa x ab ipso aretum non discrepare censetur, fore $(\frac{dx}{dt}) = 0$, atque $(\frac{d^2x}{dt^2}) = 0$, deinde quia $\cos.\Phi = 0$, manifestum est fore $\frac{dT}{ds} = 0$, hincque vim T constantem siquidem etiam durante motu, tensioni filii eadem conseruari supponitur. Pro altera aequatione, quia $\cos.\Phi = (\frac{dy}{ds})$, hincque differentiando $-(\frac{d\Phi}{ds}) \sin.\Phi = (\frac{d^2y}{ds^2})$, siue ob $\sin.\Phi = 1$, $(\frac{d\Phi}{ds}) = -(\frac{d^2y}{ds^2})$; haec aequatio ob $\cos.\Phi = 0$, praebet statim $T(\frac{d^2y}{ds^2}) = \frac{\Sigma}{2g}(\frac{d^2y}{dt^2})$, quae quia T est quantitas constans et Σ crassitatem filii in puncto M exprimit, aequatio nostra talem induet formam $A(\frac{d^2y}{ds^2}) = \frac{\Sigma}{2g}(\frac{d^2y}{dt^2})$, vbi A denotat tensionem filii, atque haec est eadem aequatio, qua Auctores sunt vsi in motu cordarum determinando.

XLI. Deinde quae de inflexione laminarum elasticarum sunt tradita, etiam hinc peti possunt, quia enim ut ante vibrationes infinite paruae considerantur, erit iterum $\sin.\Phi = 1$, $\cos.\Phi = 0$, $(\frac{dx}{dt}) = 0$ et $(\frac{d\Phi}{ds}) = -(\frac{d^2y}{ds^2})$; præterea etiam vires elementares P et Q hinc excluduntur, vnde primo vim V ita habebimus expressam ut sit:

$$V = -\frac{ds}{ds}(\frac{d^2y}{ds^2}) = S(\frac{d^3y}{ds^3});$$

duae reliquæ vero aequationes induent has formas:

$$(\frac{dT}{ds}) - V(\frac{d^2y}{ds^2}) = 0; (\frac{dV}{ds}) + T(\frac{d^2y}{ds^2}) = \frac{\Sigma}{2g}(\frac{d^2y}{dt^2}),$$

quæ

quae si lamina elastica fuerit aequabilis, ideoque $S = A$,
dabunt statim $V = -A \left(\frac{d^3 y}{d s^3} \right)$, hincque $\left(\frac{dT}{ds} \right) = -A \left(\frac{dd y}{d s^2} \right) \left(\frac{d^3 y}{d s^3} \right)$,
quae per ds multiplicata et integrata dat $T = B - \frac{A}{2} \left(\frac{dd y}{d s^2} \right)^2$;
vnde eliminando T ad aequationem peruenitur differentia-
lem quarti gradus, quemadmodum etiam inuenerunt ii,
qui hoc argumentum fusius tractauerunt.

DE